

4

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

JAN 26 1954

T5417 14298B.

楊
牛
卷
集
四

竹
三
十
四

升菴先生文集卷之八

成都楊慎著

從子

有仁編輯

哈佛大學哈佛燕京圖書館珍藏印

柳池施翁墓銘

後學趙開美校正
高安陳邦瞻重校
江陽王藩臣
內江蕭如松 全校

仕奚必膺歸以逸有子且孫願之畢壽周天甲逾其一曰考終命卜逢吉天望地藏返其室

萬松張處士墓銘

家於黃產於楚樟湖麋胥之宇系尚書徵信譜京兆尹寔厥祖貽孫謀光胤祚翁甫生蚤失怙在弱齡知

慕古尋師資出庭戶負笈篋歷環堵務內觀欲科舉
爰辭師歸省母儒之業隱之侶山熒苒澤沉淖醉僕
筵罇仙塢嬪於李嗣賢諳銅墨耀荆蘭舞耄八表衍
叶數觀化辰三月五夢告期形返土德福箕仁壽魯
子又孫綿且縷千窀京萬松渚銘幽宮刻華嶺

南津黃君峻卿墓銘

黃胤之先自楚而蜀遠哉連簡肅尚書亢宗光國聲
濯濯之子之生天骨蚤奇卅已卓如罟駕材駒齒千
里八麗駁良玉不凋山玄水蒼渠追琢豁落峰岨振
古尚友鄙齷齪有不當意拂衣振手咲一握壯遊足

跡秦晉齊魯凌嶮岫悲歌激烈吊古戰場窮鸞朔酒
酣耳熱高談霏雪驚貫電竭來維桑懸鶉軋螢厭朴
學寧能雌伏秤薪數炊刈藜穉張圖開局南津之涯
玩澆滯壯心未耗歌罇調咲略細慙吳離頽景管缶
絃絲混商隸希往達人遙興輕舉道有倬改業夷澹
沆瀣夕飡正陽藪朝露溘及忽乎何適夢岱獄影徂
物化泡影流電奔星約今古一貉脩歿得失奚足較
蕨山世仟峰環巒障抱鶯鶯桓楹豐碑封塋松栢蔚
如削以爲君宮壙罽填鬲固且確魂乎歸徠勿南勿
北返堂幄辭以誅君刻之剞劂石以樂後百千齡烈

風淫雨母摧剝

黃母聶太夫人墓誌銘

太夫人氏曰聶系出楚麻城移居蜀樂至父新以明經授黃梅尉調定海咸著仁惠母陳孺人有賢行定海公爲國子生時孺人夢鸞鳥入室遂育太夫人性仁慈明淑儉勤敬慎弗好侈靡少日儀範莊重儼具閨則定海公孺人異之比黃簡肅公初登進士尹龍陽張太夫人卒太夫人來嬪焉恭順宜家規度倫肅制費不蓄贏餘以恩御下張夫人遺女及子崙方襁褓夫人煦濡手撫憫然常恐傷病滯下瀕危納懷中

經月鼻創痛楚吻爲嚙之嘗舟次俄傳劫寇至家衆驚逸獨夫人保負崙以無恐事舅姑誠孝篤至姑劉夫人卒致情喪塋其相公事封君尚書南庄公禮盡敬順屬舅氏已大耄病倚牀席湯藥膳羞慰安省定務先意導適舅氏常曰新婦孝他日耀吾宗矣簡肅公弟珮蚤卒婦馮寡居夫人禮之事從柔巽意常弗欲先繼而馮卒幼子巖與女偕稚愛同已出翊以成立巖就學成名女歸左叅議射洪楊儀幼弟瑛常訓撫至長授室爲邑庠學員正德中逆閹瑾矯詔厲法以箝戕士類簡肅公徊翔藩臬遇代輒去夫人徐戒

行省徒簡乘宿具芻糧旅出入罔識見偵事者問有
達官家來竟莫識也在榆林因簡肅公封上寘璠僞
檄中多發瑾惡跡激瑾怒誣邏者已載道公日待命
于庭太夫人聞之申戒密令治裝徐不爲動幸屢脫
駭機危阱亦天也在官廨謙損敦約嘗取糶雜藿爲
食紉緝敝裳躬織杼蚤暮辛劬至榮封夫人老弗易
故自牽絲至華袞四十載得夙夜在公終身無內慮
至祭祀賓客物備豐腆粢盛器皿非經展視不以獻
宴享亦然歲時君外亦躬贊禴祀又樂施周急南都
有鄉人墮于旅資其孥使還食饑衣寒而助瘞內外

遠邇待夫人而濟者若柯人貧女子多取育擇善配
歸之曾見窶人於戶外掠資物去太夫人憐之不言
且禁人無問其仁厚之德類如此壬午公逝後命諸
子耕學文業以紹先志恒舉先世忠厚積德爲訓最
惡輕囂之習曰吾欲汝曹如萬石君家不願如王謝
也以家政付嵩諭華峰行必敬兄弗爾雖孝于我我
不悅也華旣學教之加嚴日視行爲夜考習業華舉
壬辰進士歲庚子將之任守松江拜堂下命之曰兒
好居官勿吾慮然容聲戚華視太夫人之戚也伏泣
不能去太夫人力勉之至松乃遂嬰疾五月解官歸

復拜堂下太夫人曰兒松劇郡難縮兒歸甚喜然吾亦欲汝歸甚樂則又謂華曰去茲夏吾狀元壻偕汝姊來壽我今茲辰也喜汝歸寧得峯兒亦歸邪時峰方待選銓部及峯歸太夫人又甚樂居無幾感疾則又謂華曰汝可迎汝二姊來華又迎姊於射洪於新都二女咸來寧太夫人疾頓瘳又甚樂居無何疾又作於五月六日爲太夫人生辰呼華兄弟與諸孫至几下曰吾老汝輩皆在吾無遺恨然吾見飲酒多過驕傲敗德汝戒之戒之惟先德之思自是不復言矣癸卯五月七日申刻卒于內寢庠士周槩稽討衆論

述太夫人行爲狀請于當道於是御史大夫巡撫東阜劉公侍御巡按靜齋石公疏略曰故尚書黃某遺妻某封某者蚤閑婦道晚樹母儀敦儉朴以化鄉閭恤孤寒而濟嫠黨茲焉考終宜加祭塋之典上命禮部諭祭工部開壙仍給喪禮異數也一時中外咸謂太夫人荷承

天眷典禮備隆足徵德報云太夫人生于成化壬辰享年七十二初封孺人加恭人今封夫人子三長嵩選貢國子生次華知府致仕次峯廕補國子生女二長適國子生同邑王錦次適慎孫男若槐官生若桂

若松若楫若梅俱庠生若杞若榛孫女一曾孫男遺
澤遺愛遺安曾孫女五尚幼卜以嘉靖甲辰九月十
六日合葬于簡肅公舊阡土橋山之陽慎先君與簡
肅公少爲道義交慎蚤忝通家之子中年辱授室焉
知家乘世德及太夫人之懿範爲詳乃按狀而敘之
系以銘曰柔明婉敕閑範蚤飭女德之特兮祭養交
力宗祊是職婦道之則兮孫子燕翼家聲四國母儀
之式兮七袞壽陟福履旣億三報之食兮封塋植植
瑩庇窀聖千齡之極兮宮保橋稷過軫咸軾視此貞
刻兮

贈御史中和處士陳君配孺人謝氏合葬碑銘
陳氏之先自楚而滇儒行醫名光遠以延五葉蟬聯
百五十年繁祉老壽壽獨也天中和處士棋野逸賢
非此其身耀在嗣傳生膺綸綍沒歸茂阡百歲同穴
恩庇壤泉臥牛之岡西山之顛有消灑潏有峯瑤眠
勒辭樂石過者式軫

明故文林郎樂齋譙公太孺人楊氏合葬銘

粵稽內譜華腴甲族紛以衆兮暖曷易場訛譜屬謀
亦已閔兮克國之譙千禩族居吾蜀鳳兮樂菴隱君
鋤色銷聲玄理洞兮非此其身在其子孫榮亦重兮

龍門精廬鸞綉馳恩服則衷今齊壽合德百歲歸居
耀塤塤音送束 塤下之 塤今靈陶鍬銘封阡贈挺佇巋虹兮

姨母黃淑人墓誌銘

吾姨母瀘州衛昭勇將軍松潘右叅將蒼雪韓公恩
配淑人黃氏臨終顧命二子曰得吾三姊子狀元楊
慎銘吾墓吾則心死矣是時慎以罪戍越在滇陰音
驛不達塋後十年乃以戎役過瀘始拜吊于家表弟
指揮使適甫州學生述甫以遺言告慎出貞隱飛霞
君所制狀屬慎銘乃據狀述其大者淑人爲雲貴提
學副使眉山黃公明善之女姊妹五人長適眉州引

禮熊瑋次適長壽御史周蕃次爲吾母次爲淑人次
適香河丞崇慶萬衡淑人諱惠端字莊閨以成化辛
卯三月五日生于京師之太學歸嬪於韓實乙巳歲
既歸無幾時卽主家政於時囊裝奩且甚美內宗咸
羨其無驕蒼雪乃翁石隱公時在下僚有羅織索賍
者倉卒不能應淑人卽傾笥畀之內宗咸難之石隱
解權家居事舅姑修繕極豐偵知其脫簪珥服飭舅
姑亦難之矣蓋淑人之懿行立德自于歸時已然四
十餘年上事尊嫜及叔姑妯娌以逮從子男女宗族
尊卑內外黨戚凡婚媾變故寒暄朝夕種種事綜理

斬斬若有司郡朝然以相宗子之責爲賢宗婦最蒼
雪公立家綱整肅每戒嗃嘻之吝者僕不容綌以
見嘗以嗣艱淑人爲置一妾御見之夕蒼雪以其更
衣之駛遂還之故家法爲蜀中所稱實淑人相助之
力也家廟時祀尤敬且如禮至晚年衰耗猶不廢焉
推原其自外祖黃公夫人徐氏姆教深矣姨母嗣育
孔艱幾妖幾殞僅存一女桂卿儲侄子恒甫爲嗣忽
得異夢神告以陰德當有後庚午之歲年已不惑是
歲膺

誥封而二子適生卽適甫述甫也咸以爲積善之證

云桂卿嫁爲指揮僉事王承唐妻孫允濟允灝大臯
大臯女孫大繁卒以嘉靖乙酉十二月二十日葬以
丙戌十二月十二日墓在方山回峯之戊辰岡去祖
及總兵塋皆咫尺合窆於蒼雪公禮也銘曰維列祖
黃宿儒之英太有時名而家範夙成姻連之賢聞于
列城豈獨簪裾爲榮且盈淑人之懿女士之行無忝
所生旣壽而康全歸九京內宗遺範視比桓楹誰其
銘之慎也彌甥

亡妻王安人墓誌銘

安人姓王氏父禮部主事諱溥母朱氏王世爲龍州

宣撫司人禮部公蚤年能以才名起其地繼以科第
望其族令完縣有治行在儀曹多文藻大獲鑒譽於
丘文莊公一時名輩咸願交之家君尤與爲莫逆遂
結婚姻之好安人許聘予實在兒齒未幾何喪其父
憑棺號踊絕者數吊者哀哽贊其至性時五歲也年
二十一來歸予于新都每嘆不逮事先太夫人黃對
予常嗚咽流涕旣至京拜尊章後克脩婦職繼太夫
人喻曰是善事我順於姊妯情如同產慧予女弟二
人紉績組紉如未字日癸酉太夫人喪從予還家途
行凡四月郵寓無障弗得躬奠朝夕每正几正室拜

餒其旁如生禮至家三年哀哭如一日服除北上因
子耕耕殤哀傷成疾無月離床閏丁丑予滿初命被
恩綸受安人封以疾滯踰年未得冠帔見廟是冬予
在告歸安人自幸得見其母心切喜至家疾少愈然
未去藥餌也忽晨興告予曰妾夢不美恐不得久侍
君子也又曰聞長者言女病忌生後妾生辰在五月
二十七日今越矣予怪其言曲爲寬譬然自此日沉
滯以及危殆呼予與訣時適報客至安人猶曰遠親
在門不可以慢君必出應之言已不復出聲少姑太
孺人蔣問所欲言張頤揚指而已至夕乃絕七月七

日也享年僅三十二悲乎悼矣安人生爲孤女終鮮
兄弟而孝敬出于天性爲婦十二年勤生儉用以佐
理有家待下有恩予或時督過侍媵亟爲解釋之令
節家宴未嘗着重綵內親或謂曰家世祿身命婦何
苦自約對曰數衣必敝敝必製新恐其殄靡非所以
稱君子之清範也聞者三嘆其言安人數孕不育思
息者副室之子也彌月母亡安人以爲已子鞠而翼
之過於所生人以爲難嗚呼天胡爲殲我良配乎生
相憐死相捐予情曷爲其有已邪於其塋也誌以告
哀是歲爲有明正德戊寅十月一日銘曰龍門之阡

思波之淵中有封塋蔚何芊芊婦其從姑旣安且堅
爰如千年予銘可傳予悲不可鐫

孝友後華李子玉調

前渠藩伯謂慎曰嵩亡兄崑字子玉者實嵩受學師
也根道核稅鈞河槌洛崇古刊今謝華啓秀雖綴時
義力去陳言多祖止齋之鴻裁効龍川之駿發守恒
者縱脰而詫知音者擊節而賞謂拾一第如摘髭矣
文增命違竟以齋志天性孝友痛母氏蚤世每春雨
覆壤霜辰掃松拍張擗踊如袒括日見者爲雪涕事
嚴君色難之餘蚤李新冰首醕甘肺千里必致親未

嘗不入口也後應貢有勸令就選學官又謂且畱止
試京闈子玉曰吾非薄冷官不爲亦非舍畿解不取
垂白在堂一弟繫官于遠誰與就無方之養昔人不
以三公博一日吾寧捐百年以異一日乎竟從依親
之例歸與弟同試于汴弟升而已沉欣然曰弟得之
卽吾得之也同畱汴久之先歸爲拜慶酬賓具弟赴
禮部又偕北上弟官京師十餘年時單騎省之雖竺
寒酷暑不避也其孝且友如此年五十六不祿自述
一篇滔滔千百言與弟永訣窳窳之日送者無不讚
其生而哀其死門生議曰靖節貞曜有初請私謚曰

孝友前渠公篤倫尤也手述其行略屬走紀之以附
于樂隱公之岡側追爲之謚曰天之生材實艱而成
之又艱文運之關而時命亦闕也往古中寰才富命
慳如後輩者亦多其班高車一雋而九頑良馬半豆
而十贅贅音賢莖餘草莖也載在簡冊丹青岡刪徵友弟之高
義盡肉好之舛環爰徵謫于逸史吊裕青于空山將
鏤鏤於楹石招毅魄兮庶還

貞靖李君阡讚

乾行有終曰貞正直共好曰靖爰私謚之顯揚寔公
是之默定誨人遺矩蔡著長民流莖衡鏡徵官師之

尸祝著秦蜀之謠詠蚤醴紱以辭榮載褰裳而願性
紹兩馮之清聲戛二陶之玄韵樂石泉兮幽冷隱蒼
碧兮峭倩歌嗟來兮返真誦歸去兮委命悵生芻兮
空谷悲漬絮兮遙迥揭豐碑兮鏤辭昭桑梓兮景行

宋宜人銘詩

懿惟宜人宋姓名家父友母王設帨辰嘉中秋前夕
生稟婺華端慧靜莊閨範自遐歸逢其良樂隱君伉
輔翊夫子孝敬姑嫜躬操爨飪丙夜不遑二親大悅
怡怡相將與更三十毀瘠終喪周恤姻黨何有何亡
不以富窶而判炎涼凜秋寒朔手自澣統以先姘媵

劬勞悉亡嘉靖乙酉寢疾終堂得年五袞葬之連岡
既有賢嗣英蜚名揚息贈有奭幽窆寵光孝哉賢嗣
寒泉思長爰缺翠珉用昭便房

升菴先生文集卷之八 終

升菴先生文集卷之九

成都楊慎著

從子 有仁編輯

後學趙開美校正
高安陳邦瞻重校
江陽王藩臣
內江蕭如松 全校

祭劉文簡公文 春

岷山之精并絡通津焜曜竣極實生偉人天生我公
匪邦伊世在邦為珍在世為瑞三禮首選鼎魁及第
摘藻天庭敷言近陛有頰 頰音器
舉頭貌 文苑蔚為儒宗講
金華而議白虎記東觀而考南宮瑰辭直筆大雅古
風隨仕階而譽命思職居以效忠乃陟宗伯乃掌邦

禮公德寅清公衷簡易是禮是儀爰契爰似酌言可
施違覆堪紀宅憂詔還總已畱鑰報政來朝帝念舊
學視草西垣演綸東閣維

新天子更化立年饑渴宅俊寤寐英賢公才公望孰
與公先天不憖遺公不少延哀哉賀門鞠爲吊問嗟
兮梁木霜稼已俱區中之緣永絕蒼生之望遂虛鳴
呼仕至八座壽登六袞雖尊榮之已膺恨效用之未
極在公者則立德立言足以不朽而無憾在議者則
爲世爲民重以不滿而興噫也杳杳靈駕載返東川
敬陳薄奠以告祖筵

祭黃簡肅公文

珂

國有老成鄉有耆英生有全節沒有令名揚休垂烈
公則允備視履考祥誰能可儷解褐筮仕出宰龍陽
拯荒活殍惠流江鄉中臺明揚憲綱始服用師夷落
遂紀戎錄剪其鯨鯢不擾旄倪脅從姬煦徽纏解携
剽掠克級斬狗行列威惠交暢人和師捷提旅朔漠
開府河湟禍起藩屏公不助勦赤羽四馳阜囊八事
威聲先揚大師克濟僞檄數罪公爲上通姦豎側目
幾觸患鋒幸追阼危實有神贊跼蹐虺蜴大雅所歎
兵起潢池近在伊瀍

天子命公饒道攸專取舖豐厨旋師衽席飲至論功
蔭子增秩公在本兵逆藩方熾焰爍縉紳賂滿閭寺
王衛請增公曰不可匡持違覆是固在我主者力欵
封章潛成吏持牘上公不署行確乎山立不可鼎移
丹青煥節天日照知留臺掌憲司空晉位公不可留
屢章祈退返我初服樂被南津親戚情話歌罟閑身
我田我里有孫有子曰昊大耋不戚以喜齟然咲逝
是曰考終有司計奏震悼

宸衷贈秩垂恩加祭賜澤乃命司空載營玄宅禮有
一惠大節孔昭簡肅易名協于中朝墓有豐碑銘功

篆德後千百年永播無極巖山東麓鬱何鬼鬼公不
可作公名不頽慎蚤忝通家復室公子黃楊之稊有
自來矣始也迎媁拜公於柝支筇命筵負几酌爵繼
以使歸再拜公家畱館移旬遠送江涯曾幾何時忽
已隔世哭不憑棺潛焉揮涕虞殯萬里不聞其音寄
辭告哀與公來歆

祭黔國恭熙公文

於貴維公元勲隆只重牙襲燾奕世庸只開府征南
銘勒陟陟音洪只三孤簡在宮保崇只于富維公缺千
鍾只大賚鼎來珎賜克只三錫自天叶師中只咄往

魯侯頌駟駮只于才維公黜

黜音念

黜音柱

工只巨榜

綽楔徧籀踪只揮毫刻燭綺思叢只壁陰對賢昕夕

窮只於德維公謙以躬只雅歌投壺屏綵桐只室靡

姬姜澹以冲只奈何乎天命不融只奄逝於忽環滇

恫只艱宅聆赴遽殒凶只棟折柱傾維悼公只憶曩

追昔殊遇蒙只折簡問奇餼賂豐只招提曲宴情丰

茸只涕豈無從維懷公只脩葺有定數其逢只彭殤

椿菌均一終只生榮歿哀孰齊同只丹旒翩翻輻輪

東只卹典遙臨返塋艷只肖貌巍廟名輝彤只絮酒

菽薦辭寫衷只公臨孔熒庶鑒恭只

祭叅戎石岡沐公文

我識公面自於徂滇解龜卸鵲狎鷗戾鳶欣然交臂

夙契若先班荆葦屋傾蓋榮椽一水詎隔六郵奚延

不鄙謂我同聲相宣清風朗月寒旭涼烟興言命駕

喀爾遺筌形既蕭放心罔懸愆頽山酌羽流水鳴絃

非梗胡汎無膏曷煎有懷者音輒走中涓有間者濶

遙騰鷁牋公嗜吟咏選頌成篇露花濯錦璧月涵淵

公閑翰札摹素臨顛金生玉潤芝茁蘭鮮公珍繪事

克棟盈枿購求罔恡賞鑒無前公耽典籍業若門專

當劇假逸在痾忘瘡公有池臺山椒峯巔謝舟阮屐

松席蘿筵公有子姓瓜瓞嬋媯九荀爽競八士名駢
可以忘老可以長年邁齡五龍弄瓦雙玄乃致蓬丈
相期倥佗天胡弗吊承凶忽焉我公是依公忍我捐
川有逝水壑無藏船昔來謁公鼓音闐闐今來訊公
銘旌翩翩英魂莫招哀淚徒泫矢辭一誅冀公享旃

祭毛以正文

亨

維正德十年正月日同鄉友生楊慎謹以薄陋魚菽
之奠致祭于亡友鄉進士毛君以正之靈曰嗚呼以
正命止斯邪丙寅之歲如盍朋簪君勝已者先鳴藝
林私試夜稿劇語秋衾相與忘年交契以心從君旣

久知君益深君之力學衆所難任朝蓋暮鹽商古推
今昏眊倦吻傳癖書淫有疑相叩如鐘起音有辯相
難如琅應琳豈曰阿私流輩所欽五上不第文工命
戾十年旅人中途長逝囊無餘資以克楔襖家無薄
田以供時祭妻寡疇依子女幼歲人世之苦于君亦
備如何不淑欲問先喟福善壽仁此語何昧予昔南
還在疚烝烝君遠送我西出都城別幾何時寒燠兩
更數數來書時時寄聲相勸相勉令德令名言猶在
耳遂隔死生寧不悲慟有淚填膺君昔與我著述是
期綺言蒙訶語病必鑿君今已矣誰正予辭君昔與

我道義相佐投以盡言不隨衆和君今已矣誰箴予
過馮江之原理玉翳蓀誰最潛德以賁重坤分雖麗
澤情猶篋墳平生交誼惟君也敦悲君雅志念君微
言奠君以文庶慰君魂君如有知來享此樽

祭洪易之文

我行其滇吊影瘴烟式賴斯文以慰徂遷之子之來
多士寔先屈指于今十有四年子在家庭人稱孝子
橫經紛綸又何佳士不沾一命溘焉以死天豈有知
兼闕其嗣坎也士封蕭條畝宮喟然傷賢涕豈無從
壤樹矗矗崖石崇崇寄我誄辭酬子幽宮

祭彭子冲文

汝寔

嗚呼子冲江漢炳靈岷峨挺生古則淵雲儷跡今則
安徐齊名冰姿玉立命世之英龍文豹變驚人之鳴
蜚聲里選標錦禮魁仲舒哀首賈誼秀才筮仕聿始
式登諫臺出納惟允敷奏詳該惡惡之甚堙井埋輪
善善之周卵鳳胎麟朝稱端士世謂淳人康陵未造
禮云紛起危言屬目異論盈耳君矢靡他中立不倚
徵典抗章通郵書史匪叶于今乃稽于古考衷自信
見怨于下旁午糾焚會逢其怒鴟鴞爭鳴鰵鱣翔舞
羣飛刺天積毀銷骨我轅旣摧我馬亦蹶揚子岐悲

阮生途哭栖丘飲谷退脩初服犧牛綺錦若罔睹然
含沙射影將焉及焉文鸞墮羽神龍潛淵坎窞委運
徜徉永年圖史簡策自樂其真忠信篤敬允書諸紳
允山之陽三峨之濱願言卒歲行歌及春日奪英嗣
天耶人乎君弗過戚猶東門吳謂天無知作德不孤
謂天有知乃如是夫昔予遐謫遭君南國言感北風
相顧動色執手河梁慰予弩力驅馬脩門索居絕域
念自分携每勤問訊結夢函情鱗書翼信君身沉冥
君行極峻觀逆以順視退爲進于役有期過嘉忽忽
擊汰凌雲舉杯邀月斗酒夕懽百篇朝發相會慘顏

相思皤髮別君未久計音忽傳乘鶴化去騎箕上天
旣扃夜臺永隔玄泉臨風把劍傷心絕絃嗚呼夫子
自免歸居華問竺行亟騰薦書賀者在路吊者在閭
君則已矣蒼生望虛三英賚志欵安歆徐天則不憇
人其奚吁名垂身逝耿光不磨較若罔生所得孰多
峩峩山色湛湛江波視君豐碑千古斯那

祭波石徐公文

越

賊酋跳梁句町東犬狺鴟張羣嘯凶據印產城恃控
隴

當宁赫怒命卽戎積有歲年罔救功東郊不開南路

壅誰其當之波石公炎暑毒草瘴癘鼓颺回霧塞天
 夢夢吳戈犀甲羅縻冢冢音蒙劍缺鐔兮馬亡駿槩
 血滿袖袖音均戎服也服紅先軫狼躡古烈從嗚呼男兒
 可怜蟲魂魄毅兮為鬼雄忠靈上訴天為冲小醜殄
 滅獸之窮凱捷不日奏法宮楚聲斐公大招同永歎
 出涕傷予衷公乎歸來
 帝褒崇國殤尸祝留南中嗚呼哀哉饗此鍾

祭在軒胡公文

廷祿

嗚呼已酉之春余謫滇雲君來溫泉實始識君清標
 玉立雅韻蘭芬契以莫逆交以論文君出宦遊未幾

解組膺仕不躋直道多忤卜璧自珎昭琴不鼓庚桑
 深居泄柳閉戶城闔如林松竹為伍謁謝連牆步絕
 公府于我獨親執圃德隣昆明池上高峽水濱或來
 或往匪日匪旬我倡君和東主西賓雪飛瓊樹風起
 青蘋篇裁綺緻思入清新余奉戎檄暫歸江岷承君
 凶問迸淚傷神白馬故人青鳥祖送宰木成陰宿草
 以葑維甲之寅在冬之孟忽感熒魂來入余夢哀鳴
 酸嘶寄托鄭重覺寤在床落月滿棟精駐爽存箕騎
 颺鞞塞黑楓青江空水凍帝宸高迥鬼伯喙美驚鶴
 怨猿叱鸞靡鳳情切范張盟寒沈宋君詩可傳君詞

堪諷藏諸名山副在洛誦誅云辭云聊以代賙

祭玉壘王舜卿文 元正

古語有之同病相憐同憂相救嗟君我之形蹤何斯
言之相副憶嘉靖之甲申當金商之辛候昧一鳴以
斥仗同三進而及雷嗤蒙桔之未脫冒瞽言之難奏
紛巧簧之易如慙面甲之益厚違天顏于咫尺禡龍
章于闕右落孤影于清潯下承明于紫宙予予子以
無依子乳乳而在疚聯舳舳於潞水竭吟嚙而相叩
赴嚴督以南征悵非狂而東走交呻吟于蓬席忘饘
粥于昏晝苦吊影於罔兩甘生涯於鼪鼯君違秦而

巴僂我去蜀而滇憊哽題紳以分袂各扶傷而携幼
恨天隅之一柱望月弦之幾殼捧戎檄以予歸喜少
城之君迺訝垂白之如新命重碧以話舊歌嘯喻以
無解語聊浪而失讀聽南音于西林主北道于東阜
發孤咲於羣憂伸眉顰于面皺吟江鴻之夜度賦鬼
車之晨雉雜懽悲於須臾類栩夢之一宿汨甲鼃以
吾行牂茲會之難又望北風而開襟怪嗣音之不復
竟庚子之日斜忽辰巳之相湊喪資斧於旅巢慨河
清於人壽感徒繫於匏瓜惻不食於井甃涕却留而
已零杯欲奠而先覆嗚呼盈萬物於兩間恒接構而

心闢何淑貺之罕臨而良辰之希邁巾柴車以碧紛
蒙駑駘以朱就既貧尼而富虎且芝焚而蕤茂豈黔
羸之混施兼造物之垢贅屈天問其焉陳柳天對兮
焉咎惟理美之莫藏樹令名其不什劍芳馨于皎日
等塵劫于刻漏慰夫君兮九原庶斯語之不謬聲已
吞兮何言魂歸來兮茲侑

祭沐九華文

我之與君兩世通家君家先人昭勛建牙君家兄弟
奮藻聯葩顧我於逆旅慰我於天涯步王孫之綠草
折放臣之疏麻命駕于滇社之館載酒于昆池之槎

或會宿於仙村或倡和於太華投分綢繆情文交加

三紀于茲百齡期賒何露薤霜高之埤

埤音田壩音累土也

輒墊也逝水舟壑之唘舒悵宿離之不貸悼車闕之日

斜玉樹棣華之屢喪愍凶違厲之紛拏歿生契濶九
原之遐阻于城府莫紼輻車陌楮翻雪蓮酒流霞灑
淚遙奠靈其歆邪

祭用貞弟文

恒

嘉靖年月日大理寺寺副用貞四哥卒于家兄慎有
罪戍在滇是歲八月二十三日憲長高太和來始聞
訃音山川萬里又屬禁嚴不得奔赴歸哭爲文以寄

奠嗚呼哀哉其辭曰維弟之生後余六齡內昭爾質
外篤爾形孝自性成友亦天畀愉愉爾容怡怡爾愛
先妣見背實已未春嗟爾孺慕如老成人觀者慨嘆
占其非常弱冠登朝近侍班行親切龍光進止魚雅
鳳毛翕譽人無間者仕優而學退食自公洽聞強記
貴異賤同爾職既清我官亦暇晤夜從晨散帙彌夜
學厭俗近志追古初秦漢前陳末代屏除楷札師顏
緣情效杜有弗肖似匿不流布清言河漢時出驚羣
玄著疊疊孔昭于聞嗟余契合匪懿親厚視余猶師
視爾如友執指吾瑕道弼余違在戴比德于謝方微

大人明農復我邦族爾亦引痾侍養在告胡天不淑
溘露先盡未徂黃落甘此蒼隕嗟嗟骨肉遂成古今
奔阻于遠曷置余心念昔在京逢天之怒我處幽圉
爾泣窮路兄弟索居乖絕岷滇五年于茲百憂交纏
畱我手足止承杖屨爾今逝矣余將安處呱呱遺稚
始勝童衣念焉及茲營魂馳飛日徂月流將歸原宓
寄言哭奠歿生異域

祭敘菴弟文

惇

我生與弟先後之年呱呱而泣形分氣連夏炎合簞
冬寒並氈母携父抱隈濕就乾八歲就傳雙筆一研

嬉戲偕止出入隨肩飲啖讓果跬步共磚義經魁選
桂籍登仙彤墀策對粉署絲牽家承盛事世稱象賢
聲華籍籍文彩翩翩中遭厄會墜身九淵歸今屏處
幸矣天全釣耕別墅鄴原陌阡圖玩太極琴悅無絃
養吾性道耘已心田交絕郡縣力娛簡編象外冥理
區中謝緣有子承家業繼門專復育襁負瓜瓞其綿
七袞將濟我歸自滇兄酬弟勸翁樂罔愆掀髯北寺
握手東田觴我於庭羣從孚孳軾轍閱閱王謝嬋媯
劇談飛屑倡和珠蟻俄而瞪目忽爾垂涎笑語亟斷
頃刻弗延豈意宴席化爲几筵逝水如斯朝露溘然

具爾凋喪門祚中顛又弱一個何忍余捐嗚呼余生
則先弟亡則前前後後存亡誰質諸天而今而後遂隔
壤泉余辭有盡余悲曷鐫

祭岳母黃太夫人文

維楚有黃麟經載光自楚徂蜀奕葉愈芳亢姓起宗
自簡肅公實有內助婉婉溫恭邊豆敬齊之禮琴瑟
靜好之風繫太夫人之德之從訓昭女史教叶公宮
鸞褕象服鳳誥膺封椒禁屢朝于贊粟蔗境齊壽乎
喬松惟太夫人之福之隆晨庭趨鯉夜藥和熊竇桂
歲莖乎棗榜謝蘭菜蓋乎英叢申國閭中之嚴訓漁

陽上谷之雖容家聲爲環海之星鳳物望世中朝之人龍寔太夫人之教之功宜太夫人之壽之祉之享之崇也慎對日之年蚤忝通家之子泮水之歲遂辱授室之禮竭來罪謫于戎荒一紀未登乎仙里前茲于役稱觴壽筵今茲赴假執紼墓前想懿範之日遠泗悲淚于寒泉拜祖奠之躑躅望封塋之鬱芊儵光靈之易逝傷辭誄之莫宣

升菴先生文集卷之九

升菴先生文集卷之十

成都楊慎著

從子 有仁編輯

後學趙開美校正
高安陳邦瞻重校
江陽王藩臣
內江蕭如松 全校

跋越絕

或問越絕不著作者姓名何也予曰姓名具在書中覽者第不深考耳予不觀其絕篇之言乎曰以去爲姓得衣乃成厥名有米覆之以庚禹來東征死葬其鄉不直自斥託類自明文屬辭定自於邦賢以口爲姓承之以天楚相屈原與之同名此以隱語見其姓

名也去其衣乃袁字也米覆以庚乃康字也禹葬之鄉則會稽也是乃會稽人袁康也其曰不直自斥託類自明厥旨昭然欲後人知也文屬辭定自于邦賢蓋所共著非康一人也以口承天吳字也屈原同名平字也與康共著此書者乃吳平也不然此言何爲而設乎或曰二人何時人也予曰東漢也何以知之曰東漢之末文人好作隱語黃絹碑其著者也又孔融以漁父屈節水潛匿方云云隱其姓名于離合詩魏伯陽以委時去害與鬼爲隣云云隱其姓名于參同契融與伯陽俱漢末人故文字稍同則茲書之著爲同時何疑焉問者喜曰二子名微矣得子言乃今顯之誰謂後世無子雲乎

越絕當作越紐跋

越絕一書或以爲子貢作又云子胥皆妄說也而越絕二字尤非解者曰絕者絕也謂勾踐時也內能約已外能絕人故曰越絕又曰聖文絕於此辯士絕於彼故曰越絕二說似夢魘譎語不止齊東野人之類而已王克論衡按書篇云臨淮袁太伯袁文術會稽吳君高豈卽其人乎又曰吳君高作越紐錄紐卽絕字之誤書以紐名猶漢雋之例也絕字曲迂不通而

楊子卷之十
千年之誤無人證之袁康吳平之姓名著在卷末無人知之蓋觀書者鹵莽閱未數簡已欠伸思睡而束之高閣矣余始發其隱然卽其書以證其人以訂其名非臆說也博古君子必印可而樂聞之乎

跋趙文敏公書巫山詞

巫山十二峰在楚蜀之交余嘗過之行舟迂疾不及登覽近巫山王尹於峯端摹得趙松雪石刻小詞十二首以樂府巫山一段雲按之可歌古傳記稱帝之季女曰瑤姬精蒐化草實爲靈芝宋玉本此以托諷後世詞人轉加緣飾重葩累藻不越此意余獨愛袁

崧之語謂秀峰疊嶂奇構異形林木蕭森離離蔚蔚乃在霞氣之表仰矚俯睇不覺忘返自所履歷未始有也山水有靈亦當警知已于古矣尋此語意使人神遊八極而爽然自失于擘花温瑩之外欲以袁意和趙辭以洗茲丘之黷未暇也乃臨松雪墨妙一紙邀曹太狂作圖藏之行笥爲他日遊仙興端云

跋新刻水經

吳中新刻酈道元水經規制裝演甚精但誤字苦多耳誤而相似魯魚帝虎猶可改也所恨爲淺陋妄庸者以意匠擅加筆削如立碑樹桓本桓楹之桓今乃

妄改爲松栢之栢枉人本山名枉人已見哀江南賦
今乃改枉爲柱弱年憇子憇子改切楚人謂子曰憇
今不知憇字妄改爲弱年女子熒山刊石妙在熒字
今乃改熒爲焚何異小兒語耶

跋李陽水篆書謙卦爻辭

陽水唐人以小篆著者也其書謙卦爻辭謙字二十
餘多構別體乃以講代謙按說文講多語也从言冉
聲地名有講邯縣汝言切謙敬也苦兼切音義不同
相去千里乃以克乏銜奇徒以此學人所罕習是以
欺人如此豈知千載而下爲識者所勘邪

跋韓石溪所藏九都圖

此圖爲宋宣和院畫無疑卷首題云江山萬里圖而
尾題云米元暉筆皆眯目而道玄黃者也米氏父子
同一筆法皆崇簡易殊乏精工此圖樓臺城郭浮圖
水石綽有唐法恐非虎兒所能企也其云江山萬里
亦非也濱江安得有九都乎此蓋九都賦圖張平子
之西都東都南都左太冲之蜀都吳都魏都及徐幹
之齊都劉劭之趙都庾闡之揚都也唐人以九都賦
爲一卷意必有圖以配之此或其粉本之遺邪中丞
南克韓公石溪藏此圖以示慎故輒述所見以印可

于大方之家云

跋吳中新刻世說

古書轉刻轉謬良可惋也近吳中刻世說新語右軍
清真妄改作清貴兼有諸人之差改作諸人之美聲
鳴轉急改作聲氣轉急少有義學改作少有學義皆
失古人之意聊一道之蓋不能盡

跋趙東山春王正月辨 三條

昔趙汭左傳補注辨周正改月之證引據既博分析
又明可為不刊之論定千古不決之疑獨恨其書不
傳故謹錄之然有一條未引今特著之按文選所收

古詩十九首非一人一時之作也其曰玉衡指孟冬
衆星何歷歷白露沾野草時節忽復易秋蟬鳴樹間
玄鳥逝安適此詩文景之世所作也按漢書高祖以
十月至灞上仍以十月為歲首則所謂孟冬乃建申
之月也故有白露秋蟬之語蓋秦不師古以建亥為
歲首無謂之極漢制大抵襲秦故首十月非係十月
至灞上也秦之繆妄不足言然因此可考周正改月
之驗何也秦上承周秦以建亥為歲首而謂之春故
漢代仍之建申之月謂之孟冬矣周人以子月為春
從可知矣至漢武帝始用夏正以寅月為首故其詩

云孟冬寒氣至朔風何慘慄此孟冬亥月也故有北風慘慄之語武帝以後之詩可知詩可以觀詎不信夫

又

周人之改月無可疑者後世之疑者獨謂詩之豳風用夏正及四月維夏六月徂暑致疑爾趙東山謂詩乃歌謠又多言民事故或用夏正以便文通俗是也然未盡事情也如今之制官府文書官職稱當時之名而詩文中稱吏部爲冢宰知府爲太守又地理之名稱四川爲蜀陝西爲秦此最明證可知者故不厭博引傍喻也

又

唐儲光羲詩夏王紀冬令殷人乃正月此亦可證蓋周人改月之說唐人不辯而自了然而或以爲改或以爲不改起于宋人紛紛多議論之口耳

按趙子常之說本于資中黃楚望而加明晰焉但其書今亦罕傳故具錄而跋識之非欲勦說襲蹈也

跋劉南坦峴山圖

元瑞

蘭亭羣賢少長咸集竹溪六逸賓旅無忘曷若香山詩壇月泉吟社釋九愁而遣五噫具四美而并二難

地則杭稻交疇里寔桑榆蔭道春遊秋豫潮往汐來
山堂仍襲峴首叔子之名畫圖工摹天目王孫之舊
緬懷古昔繼在今斯僕猿鳥爲儔鸚魁是禦臨文景
仰問訊踟躕高步九州徒有子建凌雲之想神交千
里慙無長房縮地之能狼跋其胡鶴頸長引矣

跋張愈光結交行

禹山張子愈光髮益短才益長齒日衰詩日盛近作
結交行凡七百八十八字紀海內交遊名士著升沉
感今昔蓋高允同徵杜子美八哀之遺意也又作六
言三十首七言律八首寄予小子則又元白蘇臺皮

陸松陵之富有也而體裁高古則度越之矣其他觸
興口占又不可以更僕終或有工于詆訶者曰是不
亦多乎哉養生何以詩爲也楊子解之曰養生奚可
廢詩也魏伯陽參同一編實建安之先鞭陰長生自
敘三詠乃風雅之後乘不知昌虛中無論鍾離子養
生奚可廢詩也或又曰爲政何以詩爲楊子解之曰
爲政奚可廢詩也重華作歌皋陶載賡神禹有訓五
子爰述爲政奚可廢詩也或又曰聖學何以詩爲楊
子解之曰學聖奚可廢詩也孔子刪國風雅頌之詩
立溫柔敦厚之教楚狂接輿而歌則欲與之言鮑龍

楊九卷文集 卷之十一
跪石而吟則亟爲之下學聖奚可廢詩也子誠有喙三尺予亦試訊一言也豈有騃仙人瘖道學聞有青錢學士矣未見黃圃少師也使伏獵美麀比翼於鸞鳳是屠羊牧豕皆可爲夔龍矣或者之語乃塞禺山之疑乃醜遂銘其座右曰詩哉明哉詩哉明哉予以此忘情以此養生以此爲政奚其爲爲政以此學聖奚其學學聖

跋七姬帖

國朝真行書當以宋克爲第一所書七姬帖文其冠絕也然其事則可疑七姬之死蓋出於潘之逼之謂

不幸則可非狗節也平居則獲雜子女而漁聚之一旦有變恐樂他人之少年而雉經之潘之惡甚矣宋之書人多珎之故其帖盛傳適以播潘惡耳元末士風類如此上下荒淫載胥及溺欲不亡得乎余舊料其情若此近觀高季迪吊七姬多麗詞云倩嫦娥呼天試問如何向人間生成尤物等閒又把消磨揉羣花亂飄塵土毀聯壁碎擲煙波漫說無雙傾城曾數八人少箇六人多一般樣細腰裊裊高髻峩峩奈干戈筵上艷曲翻做帳中歌忍教受項纏素帛渾忘記臂結紅羅翠被都閑玉鈿盡落蒐遊應去馬嵬坡誰

能發香囊解看怕肉尚溫和堪腸斷空樓月落廢院
春過其事情信無疑矣吁可憐哉

跋自書小楷春興詩

目有玄花久不作小楷夏日寂居無事乃試一爲之
李重光云壯歲書亦壯如嫖姚十八從軍擁千騎凌
沙漠目無全虜老來書亦老若孔明以白羽麾軍不
見風骨而毫素相適筆無全鋒信斯言也若無白羽
之能祇見皮裘入土空耳余此書將無同耶書成不
覺自笑

樊敏碑跋

漢碑多不著作碑文人姓名而此碑之末續書建安
十年三月上旬造石工劉武良鐫何也曰古人以鐫
石爲一難事故書之以傳魏受禪碑書鍾繇鐫以一
代貴臣文宗而親雕鐫之役古人之重文藻而必欲
永其傳如此顏魯公書桓令家僮鐫之李北海書碑
多手自鐫其云元省已刻或云伏靈芝刻或云黃鶴
仙刻皆北海自鐫也今之立碑草草而付之拙劣之
書鐫者又非良工宜其貽庾子山驢鳴犬吠之誚矣

異魚圖贊跋

予作異魚圖贊間出以示好事者或獻疑曰爾雅注

蟲魚定非磊落人子不見韓子之詩乎予曰韓子有
爲言之也跡其焚膏繼晷之際口吟手披之餘遇蟲
名魚字將刪之乎老子云美言不信而五千之言未
嘗不美莊子欲絕學而莊子何嘗不學蘇子謂人生
識字憂患始豈欲人盡不識字乎如此之類古人善
戲謔自揶擊之一機也雖然不可以訓若孔子則豈
其然教小子以學詩終於多識則蟲魚固在其中矣
孔子豈非磊落人哉近之不悅學者往往拾古人善
謔之言以爲不肖護躬之符可咲且悼充類其說則
伏獵弄麈之侍郎長鎗大劔之將軍一未皆磊落人

也夫

升菴先生文集卷之十終

升菴先生文集卷之十一

從子 有仁編輯

成都楊慎著

後學趙開美校正
高安陳邦瞻重校
江陽王藩臣
內江蕭如松 全校

青城五隱贊

范公英英炎漢挺生韜華金德潛光玉恒讓王媲美
洗耳偕清漸遶鴻羽孚陰鶴鳴

右范長生

天授韜奇入林結茨鳳今翹翹麟之儀儀年百廿歲
有嬰孺姿山癯淵槁奚可同之

右譙定

岷山逸老藏用隱賢執范寂袂拍薛昌肩高吟弄月
長嘯揭天遺蹤何在白沙瓊田

右勾台符

白雲先生六詔不起乃如蒲芝聯德敵體孟光同曜
柳妻遺誅有婦人焉五人而已

右張俞妻曰蒲芝

臨利不敢先人見義不敢後身諒無補於事業要不
負乎君親遭逢太平以處安邊歌詠擊壤以終餘年
天之顧畀厚矣篤矣吾之涯分止矣足矣困而亨冲

而盈寵爲辱平爲福者邪

右自贊

昆明鄺尹陞萬州守歌障詞

瓊瑄南溟帝稱奇甸銅符左篆天假德星旣妙簡於
鴻恩宜特申于燕賀恭惟某官丹山瑞族赤水名駒
南嶽岫嶠之奇英北斗尚書之家世箕裘軒冕合有
聞人衣鉢文章克紹前烈難兄難弟麟儀儀而鳳師
師大馮小馮印纍纍而綬若若緬茲昆明望邑寔惟
滇雲具瞻牛鼎烹鷄置噐固難于適用蟻封試馬未
久已見于非常宰號神明政成卓異生明作肅百務

不畱治劇剽煩一訊如響扼武夫之吭而奪之氣懾
豪右之膽而服其心衆謂空谷足音人擬中臺首召
京洛雲山外方佇來儀乾坤日夜浮暫勞坐鎮搏風
以上眷然瀟湘之故人遵海而南行矣澄清之岳牧
慎殊方倚玉逆旅斷金魯擊柝之聞邾幸邇仁里楚
餘波之及晉久庇德隣琴羽未張轡駢已駕何以報
之青玉案庸假填詞我姑酌彼黃金壘聊申雅餞
昆明春水盈盈渡咫尺又銷魂路金馬碧鷄遺愛處
臥轍攀轅留綦解珮望望仙塵去○鵬海鯨波天一
柱統統鼓聲催欲曙全紫重來還肯許帝加三錫民

歌五袴蚤沛清時雨

亨衢陟明歌障詞

巫岫鍾靈巴月遙輝渠澤吳興媿嫩滇雲迥化蘋洲
岳牧詞人名流堪讚循良君子信史宜書恭惟雲南
大邦伯鶴峰柳先生神峰瑤峻學海珠澄夙蜚擘花
溫瑩之聲蚤膺藻榜蘭臺之選雲端首郡天徼名區
襟帶禺同呬喉庸濮控南詔西垂之險先東洱北勝
之雄

帝謂殊藩人推奧府官當方面任切股肱咻民于懷
協留老蔚宗之譔束吏若濕咲成璿宗資之謠鹿逐

熊以隨轡馬如羊而却廐清崇葉節威服卉裳鈴閣
畫閑地有春臺之樂鉅鉅音后受書器階星闥家無夜戶之

虞旬茲雨塊風條兩岐興漁陽之詠貂音消彼苗螟

葉蟻音得三秀繼宣房之歌政成不待三年歸猶就

水德流已匪一日速比置郵亨衢屆期陟明行覲蝸

髻鮐叟曷形容于舞之蹈之鳳驛蛟衢難挽留于攀

者送者假麗藻以展采揚馨芳于聲詩調歸朝歡為

祖道贈

秋盡汀洲蘋未歇掩映荻花相向折一枝好贈朝天
人還如鳩鵲樓前雪瓊凹連玉凸五城邊銀為宮闕

墀聲寒非烟叢裏卿藹瑞雲纈○五馬驕嘶虬漏徹

鞘靜珮鳴鷓遙列朱衣引隊奏彤幃天言清問堯階

切俞音傳袞驚賜金增秩于旌子把勲名昭回青簡

身如稷如契

賀薛曲泉撫臺旌獎帳詞

寇恂再借敷青陽百舍之春黃霸重臨沾靈河九里

之潤政首支郡績最中臺民瘡下蘇譽命上逮恭惟

某官政賜也達守夷之清治所臨而有聲課每上而

輒最處煩不擾在劇能剗勞以身先風行草偃雷在

天上雲行雨施消周雅之蘊蟲斥岑瑜之泥鶴七戒

三齋旣禱千倉萬寶可期况才識疏通兼政事練達
佐郡而譽望洽署瀘而廢墜興上上之考特旌元元
之論允協慎也卜茲榆社實庇棠陰徐孺子下榻于
陳蕃旣輝蓬華陸敬輿傾蓋于姜輔實仰帡幪居邦
事大夫之賢猥從鳧趨之後原田聽輿人之頌敢爲
燕賀之先

青陽有脚喜五馬重臨江陽城郭南定雲開西岷波
靜簾捲風清幕早魃化爲甘雨露禱不須沉鶴兆萬
寶詠千箱四野豐年如約○斟酌曾見說老手劇郡
利器無盤錯犬吠花村魚遊春水桴鼓長閒却佇聞

考績薇垣復報薦名荷橐計晨夕鶯遷燕賀金明紫
渥

右調喜鶯遷

送薛曲阜之鎮雄勘夷手卷詞名治

澄清德水天開龍馬之湖洋溢恩波春滿魚鳧之國
在民崑而堪誦叶公論以無踰緬惟馬湖少邗伯曲
泉薛公測水竒才鄆城甲族鈞河擿洛擬竹箭之穎
資騰茂蜚英呈天球之秘寶升從赤縣出守朱方西
陵有召父杜母之謠南巴分九里八鴻之潤自公覆
露蒞茲江陽在昔歌廉薄言觀朞月之仁政於今借

楊升菴文集 卷之十一
寇奚必分刺史之真符北山賢勞欲息踴躍用兵之
策東臺板命須仗填寬迥駕之行昂昂千里駒笑鄙
夫畏首畏尾蔚蔚九變豹俾小人革面革心惠我無
私式遄其歸是祝贈公不拜未占有孚則然聊申蚓
竅下里之歌用代驪駒在門之什

借寇歌廉春有脚皂蓋朱幡輝映江陽郭一唾清泉
斟且酌候人無事閒鈴閣○瘴域嵐方勞鎖鑰靜柝
沉鋒虎兕成鸞鶴風颭歸旌詩滿橐休遲竹馬兒童約

右調鳳棲梧

孝烈婦唐貴梅傳

烈婦姓唐氏名貴梅池州貴池人也笄年適朱姓夫
貧且弱有老姑悍且淫少與徽州一富商有私弘治
中富商復至池一見婦悅之自拊心曰吾無頭風何
以老嫗虛拘哉乃密以金帛賂其姑姑利其有誨婦
淫者以百端弗聽迫之弗聽加以箠楚弗聽繼以炮
烙體無完膚終不聽乃以不孝訟于官通判慈谿毛
玉亦受商之賂倍加官刑幾死者數商猶慕其色異
其改節復令姑保出之親黨咸勸其吐實婦曰若然
全吾名而汙吾姑非孝也乃夕易袿襦雉經於後園
古梅樹下及旦姑不知之也將入其室挺之手持桑

杖且罵且行曰惡奴蚤從我言又得金帛且享懽樂
今定何如而自苦乎入室無見尋之至樹下乃知其
死姑大慟哭之親黨咻之曰生旣以不孝訟之死乃
稱嫗心何哭之慟姑曰婦在吾猶有望婦死商人必
倒賊吾哭金帛不哭此惡奴也尸懸于樹三日顏如
生樵夫牧兒咸爲墮淚每歲梅月之下隱隱見其形
冉冉而沒有司以礙于府官之故終不舉余舅氏喻
士積薄遊至池州稔聞其事作詩吊之歸屬慎爲傳
其事嗚呼婦生不辰遭此悍姑生以梅爲名死于梅
之株水操霜清梅乎何殊旣孝且烈汗青宜書有司

失職咄哉可吁乃爲作傳以附露筋碑之跗

倉庚傳

梁武帝代齊錄居齊宮後庭稚齒在潘余之亞者損
之又損尚溢乎百數郟后心妒焉帝聞居一日覽大
荒經云倉庚食之令人不妬遂下令虞人收捕此鳥
絡野籠山佛首爭獻者盈軒墀乃勅中庖以爲宮膳
旦旦不繼他肉后與帝食而甘之帝心異其術之速
驗試問后曰此餘甘可以分諸夫人乎后卽輟箸不
食帝曰荒經曷予欺乎其諸食力尚淺耶將盡脯其
餘倉庚中有老而慧者鼓鞞作人語而稱曰余西裔

之羽臣也余祖逮事庖羲氏庖羲氏之佐有鳥鳴者
王建福是釐百羽命余祖曰而仁鳥也其司春候繇
茲以還奕世載育及周文王邑于岐山西申有鳳鳥
者覽其德而下之羣鳥皆往從之萃于岐下維時風
翔者露翥者雨舞者霜皞者朝嘲者夜咬者以萬計
復有巴人之比翼蜀山之文翰方山之孔鳥善芳不
昧翡翠華首咸集宮樹王及後宮不之奇也而余族
獨著彤管焉其詩曰維葉萋萋黃鳥于飛爲其有助
于德象也二號髻戲引弓飛土而逐之后曰非所以
養童心也戒勿彈周公白文王命羅氏境內特貫不

捕焉今帝不欲爲文王則已欲爲文王盍赦微軀帝
曰爾曷知周文王試爲我言文王后妃之德何如庚
乃喜而躍曰鷺鷺音麗黃鳥名知之鷺知之匪后妃之德實

文王之烈日者天之明月者地之紀夫爲妻綱象日
明使婦從夫放月紀日載魄於西由媵以升嫡月載
魄於東由嫡以逮媵帝咲曰禮失乃求諸鳥乎爲我
說之庚引脰曰鷺何知鷺何知月之朝也君以視朔
不近內焉后亦辟焉月始魄左媵六人迭御三夕象
微陰也月成魄右媵六人迭御三夕象漸陰也月成
弦三夕而世婦迭御焉月成采三夕而御妻迭御焉

月之幾望后當一夕陰將盈也月之端望后當一夕陰極盈也月之后望后當一夕陰不終盈也自是三夕仍降而御妻三夕薦降而世婦三夕還降而左媵三夕復降而右媵及月之夕也君以掩身不近內焉后亦辟焉象月以進象月以退授銀環告進也正金環告退也施玄的告辟也鳴珮玉告節也由媵以升嫡本微而著盛由嫡以逮媵自盛以下微勿使陰厭陽勿使柔乘剗嗣續以昌壽命以長此陰禮教六宮而頌聲洋萬方也又公此制于天下諸侯有副宮大夫有側室士有妾當夕侍夜倣是爲節當此時豈伊

無險陂王制鱠之妬亦何能爲周制之蕪久矣而欲委罪於微禽變性於纖羽不亦異乎且荒經之誕非神農之述也帝而信之是不知也沉昵之專非周文之制也帝而行之是不仁也負此二愆不可以君羽族而况君江東乎帝聞庚言懔然側席郅后聞之懔然無色乃命寫其言于斧扆行其制于永巷郅后幡然更爲逮下之行庚之力也帝喜曰徒信古陳編不如倉庚言乃放之不殺封爲金陵郡公唐世有號金衣公子者卽其後也

樂湘詞

楚衡余氏尚賓給諫別號樂湘子通顯矣湘
之樂弗忘也乃引病寧歸其友人楊慎擬楚
聲招之

楓林遙裔兮湘之流蒙籠鬱葱兮靈源幽浦
洌洌兮道逶迤清冷淥淨兮波淪漪文鯨起兮
翔鷗浮吟昧楓林兮且遨遊美人樂兮無期芳
杜生兮猗猗遲莫兮不自獻甘淵濤兮液液蕩
兮滴水環屈臨瀕洞兮選洄洑紆兮鬱思兮淑
蛟螭窟鼓枯查兮誰和曲西交夏浦兮東顧濡
須吞陽吐陰兮涵霄浴虛陽侯是宅兮川后攸
都飄風爲信兮零雨爲軀玄景霏霏

兮翳翳冽冽兮淒淒依鳧兮狎鷗回汀兮隱洲
聆睇楓林兮且遨遊鶴子唳兮後侶嗥回鴈鳴
兮慕其儔美人兮歸來湘中兮不可以久遊

無悶篇

有序

余也疾疢悶困之日久矣吊影獨坐有冰壺
承子來自成都惠然過我鳳嬉亭上清談相
對積日彌旬又見鶴池方池草池三余之名
藻欣若誦之不知沉痾之去體也遂作無悶
篇以贈承子云

易積而難撥者惟悶而已矣况孤臣之謫九年懿親

之隔千里始心折而骨驚漸形茹而神縈商商玄壺
遲遲華晷夢糾魄而升魂寤撫膺而鳴指梁高孫原
境窮濮鉛地則斜龍分浦水則罔象交川酒旗之星
有衣筮篋之天無椽樹交紺今嵐靄峰合齡齡音金今
障烟二豎不逢九嬰相纏消渴非長卿之病寂寞異
子雲之玄折楊咲今逝其遠散花念今久矣捐晉賢
空悲蒲柳質鮑令徒傷松柏篇悶有結今誰斷悶有
塵兮難澣坐囚山兮鎖愁城違樂郊兮去驩館智者
不我顧室邇而迹遐佳人不在茲庭虛兮情滿若有
人兮號冰壺駟班麟兮乘青鳧手携玄峰之綠帙來

自芙蓉之錦都摘十洲之瓊藻聯三池之璿跗冑問
岑兮叩宋同折芟兮焚枯金爲膏兮玉爲醴霞爲漿
兮雪爲腴是日也震滌九陽露音陰塞四嶂出蕭森
臨昭曠翼竹颺披柳浪沉痾旣失幽悄亦暢冰壺子
起而爲畱仙之吟曰有矯者龍兮鸞鵠蜚蜚子有成
言兮今我無違升彼珥之碣聊與子忘機無庸歸兮
余乃應之曰於菟三無愠潛龍兩無悶戢卿良箴余
心有開子文子淵伊何人哉

思美人二章寄夏舜俞

渺淮海兮維揚思美人兮增傷鵬何爲兮去息龍何

爲兮潛藏松有心兮不改蘭無人兮彌芳秉中情兮
欲寄非柔翰兮能將

又
渺淮海兮揚州思美人兮增愁螿魚龍兮日夜遛鴻
鴈兮春秋阻波濤兮浩浩望牛斗兮悠悠我所思兮
怊悵君胡爲兮淹留

升菴先生文集卷之十一

終

升菴先生文集卷之十二

從子 有仁編輯

成都楊慎著

後學趙開美校正
高安陳邦瞻重校
江陽王藩臣
內江蕭如松 全校

古樂府

沅江曲

綠蘿山豁午烟開野取山樵競野回疊浪高潭渾不
畏舸艚船上唱歌來

碧天霜冷月明多平澧風交湘水波夜夜楓林驚客
棹村村銅鼓和蠻歌

楊升菴文集 卷之二十一
羅甸曲

六首

貴州道中

百里馳驅倦三更夢魂歸不辭晝夜苦但使逢春暉

其二

山圍羅甸國水繞的澄橋橋下東流水可惜無蘭橈

其三

寒燈閔孤館陰雲鎖重城長夜恒思曉久雨恒思晴

其四

登山千尋梯下阪九仞井雨潤衣珠融風吹髮毛冷

其五

蠻樹不凋葉蠻雲不放晴長亭望不見何處是渣城

其六

林間山胡鳥聲聲啼我前何似故園裏花亭聞杜鵑

關嶺曲

四首

貴州

倦枕愁鷄鳴問郎今日程中路不可宿長途須蚤行

其二

北登鷄公背南望象鼻岬相逢試相問往來定誰難

其三

關索嶺四十二盤高前有安龍菁行人莫辭勞

其四

老鴉關仰樹間靈卜西去何當還

靖蛉謠

靖蛉美姜公也公未蒞止西郊不聞平息澹
年公在斯矣聆輿誦采民謠綴茲風耳而目
其之乃知美非溢也

靖蛉川砢碌野鐵菁窮崖飛鳥不下魍結成羣行白
日腥風灑繫我犛牛驅笮馬金鷄廟前無行者使君
坐紫城枹鼓臥不鳴蒼山平洱水清守犬無夜驚行
商達天明白羽蠹青苗生南山踏歌北山耕願留使
君任只愁使君去畏途前番君不聞高車駟馬亦使
君切商車下殷車輪

新春始汎歌

二首

螳螂川水青如苔漕溪寺花紅滿臺韶光滿眼莫惜
醉幾個扁舟乘興來

白沙渡口幾人家紅粉當壚酒旆斜梁上新巢蚤畱
燕門前垂柳暗藏鴉

滇海竹枝詞

羅漢孤峰祇樹林梁王輦道海中心海垠青青堪牧
馬海眼只今無處尋

東浦彩虹懸水樁西山白雨點寒江烟中艇子搖兩

槳空裏鷺絲飛一雙

滇人喚虹
霓爲水樁

悲酸行

少日多懽悰老境足悲酸悲酸一何易懽悰一何難
遊子久不歸憔悴羈南冠親庭隔千里夢中路漫漫
年來轉漂泊居處無恒安征馬常苦瘦旅席常苦寒
有客過我門勸我強加餐春陽正發育覆載本自寬
窮途謝好音白意于青翰

蒙鳩篇

辭家鄉去親愛遠從軍萬里外日暮曠野霜風凍我
有夫行惻營巢寄所蒙鳩語老鴟摘巢抨去之老鴟
言此鳥是鳳凰抨之恐不祥但可嚇去之不令在我

傍凰止鳳飛羽毛摧頽五里一返顧十里一徘徊山
川嵯峨嶽岑隱阿且飲晨露飡朝霞禍無常門福無
常家咄嗟呼傷哉謂之何

青蛉行

二首 寄內

青蛉絕塞怨離居金鴈橋頭幾歲除易求海上瓊枝
樹難得閨中錦字書

燕子伯勞相對眠牽牛織女別經年珊瑚寶樹生海
底明星白石在天邊

張云予點升菴詩不喜其深邃而喜其朗爽也

遙夜吟

遙夜吟懷禺山也會阻乎期情見乎辭

明發葉榆城，暝逗蘭津渡。超忽類飛翰，往來如織路。
僕痛馬亦黃，簪短帶復長。天高行誰問，日暮坐自傷。
鴻飛畏逢羅，虎飢正出柙。寒流泚玄冠，涼風吹白恰。
子有負俗累，予乃投荒人。睽形而比影，異習仍同塵。
晤言能幾朝，契濶何疊夕。浪跡苦難并，嘉會良易擲。
翻憶在滇海，翻思在連然。嬿歌花館醉，清梵雲房眠。
丹熒耿遙夜，烏臼聒五曉。相望不可晨，咫尺限雲杪。

舞姬脫鞋歌題画

潘妃睡起冷金沙，弓鞋半脫雙鸞斜。越羅襪襯齊紈，
素彩霞搖裔香生。步旱路金葉白日娥，芝田洛浦凌
微波。曳霜回雪下平地，琉璃滑澤春雲膩。花鬆玉輦
嬌無力，天公一笑生春色。寶蘭困倚帶蹙跚，小玉雙
成扶不得。起來翹翠踏芳塵，粧臺搦鏡重梳勻。人間
絕世誰相并，月鈞下鬪紺鈎新。

南中曉寒曲

南中異節候，北陸戒表鑪。夜凍玉樸遯，朝寒金畢逋。
可念無衣客，誰徵褰與襦。

龍編行答禺山

北極軍書一羽過，南交氛祲九真多。金潏銅柱天王
地，象渚龍編瘴海波。渭曲屯田愁葛亮，關中餽餉急

蕭何嵐開比景鳶低水風度鳴沙馬歎陀自許將軍
回白日誰憑壯士挽銀河騰峯浴鐵朝乘障下瀨樓
船夜戢戈翡翠越裳近消息麒麟漢閣遠嵯峨娑娑
橫吹驚楊柳曄曄商聲響薜蘿隱豹文韜須霧澤荒
鷄舞困且漁蓑欣聞幕府收才彥佇立衡門聽凱歌

瘴海一作精衛

苻馬行

苻馬出滇西青金護鑿蹄朝駿過歸鴈夕駕軼昆雞
蹠雪工升甌甌音拖凌雲欲舞梯流星迸石齒訝道火
龍飛

葵鏡吟贈右溪

花卉中有唐婆鏡者一名羞天花一名倒垂
蓮本草所謂鬼白也其花背日與蜀葵正相
反曾聞其名今始見之托諸聲詩以寄同慨
蜀葵與唐鏡同節復爭鮮蜀葵終向日唐鏡每羞天
卉木異情性造化均陶甄安得指佞草重植堯階前
烟丸歌贈製墨毛道士羽周

鷄足烟丸古松心龍眠惜之如惜金玄霜遙分玉兔
窟碧髓近挺青蛉岑茅犀截角光自照栢麝却臍香
太侵鴻崖羽人故多幻鶴馭明朝那可尋莫辭爲我

澗霞襟蘇易簡云鷄足山古松心製墨絕佳碧髓青蛉岑見江淹賦

征人蚤行圖

杜鵑花下杜鵑啼烏曰樹頭烏曰棲不待鳴鷄度關去夢中征馬尚聞嘶

後緩聲歌

澤藏之山必有陸沉之波物或反其常君將奈之何雌驍難為雄斧小不勝柯心之憂矣歌且訛復思入淮之爵必有飛海之鯨披枝且害心繁實多隕條吐珠誰不含曼睪能無招心之憂矣歌且謹

羅甸吟

苴蘭方號鬼貴竹甸名羅牛涔枉稱海駿坂猶題坡林餘楚箏輅杖識漢牂牁久戍勞行惻天高奈若何

笠澤弄三解為潘叅藩父壽

蜀城東望笠澤雲輪困搖曳青氤氳萬里從龍持獻君將獻君先過里攢鳳笙歌燕喜

五津東下仙舟輕三泖涼波秋水平景丁南極中宵明中宵明玄景煥展國容拜家宴

鶯湖小雪梅照天鱸羹尊鼓酒如泉錦袍起舞白華篇白華篇丹桂曲祝千齡綏百祿

鶯郎行

此澤鶯郎啞雛鴨驚飛鴛鴦逐鴨鳩翠袖啼春幽鳳
奩紅絲穿露空鸞桺碧眼胡兒亂馳鴉三五紅顏片
時老今日盈盈滇海花明日蕭蕭陸涼草

青海引

長白山前呼黑風桔槔火照甘泉紅五千貂錦血邊
草單于夜帳移湟中華林酒艷長庚醉沉香春濃海
棠睡金馬門如萬里遙那知青海城頭事

田家喜晴謠

玉女投壺玉皇側海童拖霖海天黑風花閃日日咲

雲俗以雲氣班駁謂之風花古詩明月揚帆應復駛
蒸雲散亂作風花○俗謠以雨乍落乍止日光穿

漏謂之天笑雲氣烘為雀頭色須臾變作樓梯天黃綿襖

出晒破磚諺云樓梯天晒破磚又田叟冬晴見日喜曰天上黃綿襖子出茅簷夜望

黎星沒蘆絮飛殘水生骨諺云黎星沒水生骨

明月篇

桂樹生銀漢菱花掛玉臺山明姑射雪川靜海童埃
北戶燭龍蟄南枝烏鵲來清光殊窈窕流影自徘徊
樓上盈盈女樽前灑灑杯孤桐不須薦錦瑟正相催

古怨

游樹正丰茸清防深幾重金星長樂漏壁月景陽鍾
掃粉趙飛燕捲衣秦祖龍粧成獨不見傾國為誰容

補臯魚風木吟爲黃月坡政使賦

晨風搖搖有鳥朝朝不息終朝予心孔勞

夕風習習有鳥夜啜不息終夕予心孔棘

樹欲靜兮風則起矣子欲養兮親則已矣

枯魚銜索兮蠹何泣矣養之不逮兮祭何及矣

楚竹吟

隱括東方朔七諫語

便娟之脩竹寄生乎江潭

叶夷針切

歲蕤上防露冷冷下

來風

乎切

那知竹與栢虛塞兩異心蓬矢射犀草篔

篔音菌

落委荒林夏首西浮遠潯陽南望深大招白抽

怨小歌徒悲吟天高何難問斯情匪斯今天黃

游女行

東風春正韶南浦美人嬌下蔡君休問上官誰敢邀

折花寶珥映水正金翹娉婷惜未嫁應待逐文簫

湖艷曲

素足踏金沙波搖半臂霞東風湖灑好疑是孟珠家

江艷曲

交甫江臯見劉晨洞裏逢可憐裾踏鴈不用髻盤龍

思遠道

章丹請輟舞秦青且罷歌佳人上官出儷婺復傾娥

夜月光如練春江紋似羅所思在遠道朱顏誰爲酡

竹浪詞

七首 爲劉珥江賦

新結茅齋近少城清流映帶更多情幽懷似怪王維
少柳浪何如竹浪清

青嵐帚掃紫筠烟垂露珠零綠粉天最美仙郎能縮
地簣簞谷在錦江邊

一部清商竹嘯風三霄碧纛舞晴空披襟已在珠宮
上宋陸蘭臺賦漫雄

錦籜竹棚護笋根龍孫蛇祖啓風門對青好續涪翁
賦滴露研朱掛月村

衆竅爲嗑萬竅號調調未定見刁刁畫風雄筆君須

繼北海南溟捲紫毫

鸞暮能烟還漏月鳳晨防露更來風寬閑不似城中

地水口金膏五百弓

一節船碧海通十洲三島訪仙翁乘風破浪非難
事好在垂天萬里蓬

升菴先生文集卷之十二終

